

- 4.2 Verkleg próf eru tekin hjá prófdómurum sem tilnefndir hafa verið eða staðfestir af flugmálastjórn/loftferðæftirliti. Próftakar leggja sjálfir til loftför og greiða kostnað af próftökunni til flugmálastjórnar.
5. **Greiðsla gjalda samkvæmt þessari gjaldskrá.**
Gjöld samkvæmt gjaldskrá þessari greiðast hjá gjaldkera flugmálastjórnar á Reykjavíkurlflugvelli.

Gjaldskrá þessi, sem sett er samkvæmt lögum um loftferðir nr. 34, 21. maí 1964 staðfestist hér með til að öðlast gildi 1. janúar 1995 og birtist til eftirbreytni öllum þeim sem hlut eiga að máli. Jafnframt fellur úr gildi gjaldskrá nr. 47, 28. janúar 1992 um sama efni.

Samgönguráðuneytið, 28. nóvember 1994.

Halldór Blöndal.

Jón Birgir Jónsson.

VIÐMIÐUNARREGLUR

skv. 9. gr. reglugerðar um skilyrði þess að sjálfstætt starfandi einstaklingar fái atvinnuleysisbætur, nr. 304/1994.

1. gr.

Lok reksturs.

Samkvæmt 2. mgr. 1. gr. laga um atvinnuleysisstryggingar, nr. 93/1993, er það skilyrði fyrir bótarétti sjálfstætt starfandi einstaklinga að þeir séu hættir eigin atvinnurekstri. Samkvæmt 1. mgr. 6. gr. ofangreindrar reglugerðar um skilyrði þess að sjálfstætt starfandi einstaklingar fái atvinnuleysisbætur, telst sjálfstætt starfandi hættur rekstri ef hann sannar að rekstri hafi verið hætt, hann framseldur öðrum eða tekinn til gjaldþrotaskipta. Samkvæmt 1. mgr. 4. gr. reglugerðarinnar þarf tilkynning um lok sjálfstæðrar starfsemi að bera með sér að lok starfseminnar hafi verið tilkynnt launagreiðendaskrá ríkisskattstjóra og að virðisaukaskattskyldri starfsemi hafi verið hætt. Samkvæmt 2. mgr. greinarinnar skal stjórn Atvinnuleysisstryggingasjóðs meta hvað er að öðru leyti fullnægjandi trygging fyrir því að sjálfstætt starfandi hafi hætt starfsemi. Með vísun til þess hefur stjórn Atvinnuleysisstryggingasjóðs samþykkt eftirfarandi viðmiðunarreglur:

Staðfesting á sölu atvinnutækja er að öllu fullnægjandi trygging fyrir því að rekstri hafi verði hætt. Hafi atvinnutæki ekki verið selt verður maður að sýna fram á að honum sé ekki lengur mögulegt að nýta atvinnutæki í rekstri. Í því sambandi eru settar fram eftirfarandi leið beiningar:

- Þeir sem hafa notað vélknúin ökutæki í rekstri sínum skulu hafa lagt inn númer þeirra eða afskráð þau hjá Bifreiðaskoðun Íslands og lagt fram vottorð þess efnis til Atvinnuleysisstryggingasjóðs.
- Þeir sem hafa notað skip og báta í rekstri sínum skulu hafa lagt haffæraskírteini eða skoðunarvottorð þeirra inn hjá Siglingamálastofnun ríkisins og lagt fram vottorð þess efnis til Atvinnuleysisstryggingasjóðs.

- c. Þeir sem hafa notað flugvélar í rekstri sínum skulu hafa lagt inn flugrekstrarleyfi sitt til samgönguráðuneytisins og lagt fram vottorð þess efnis til Atvinnuleysistryggingasjóðs.
- d. Þeir sem hafa í rekstri sínum notað önnur tæki eða vélar, en tilgreind eru í a-c liðum, sem Vinnueftirlit ríkisins hefur eftirlit með, skulu hafa afskráð tækin og vélarnar hjá Vinnueftirlitinu og lagt fram vottorð þess efnis til Atvinnuleysistryggingasjóðs.
- Atvinnuleysistryggingasjóður og þeir opinberu aðilar sem tilgreindir eru í a-d liðum hafa reglubundið eftirlit með því hvort vélar eða tæki hafi verið tekin í notkun að nýju.

2. gr.

Bótaréttur manns sem hefur haldið áfram persónubundnu starfi við rekstur eftir að hafa byrjað í launavinnu og sækir um atvinnuleysisbætur eftir að hafa misst launavinnuna.

Samkvæmt 5. gr. reglugerðar um skilyrði þess að sjálfstætt starfandi einstaklingar fái atvinnuleysisbætur telst sá, sem hefur haldið áfram persónubundnu starfi sínu við rekstur eftir að hafa byrjað í launavinnu, ekki atvinnulaus og í atvinnuleit þó að hann missi launavinnuna, nema skilyrðum 3. gr. reglugerðarinnar um lok sjálfstæðrar starfsemi hafi verið fullnægt eða sýnt þyki að reksturinn framfleyti aðeins öðrum aðila sem hefur starfað að fullu við reksturinn. Skal stjórn Atvinnuleysistryggingasjóðs meta hvort þessi skilyrði séu uppfyllt. Í því sambandi hefur stjórn Atvinnuleysistryggingasjóðs samþykkt að miða skuli við að hreinar tekjur af atvinnurekstri og reiknuð laun fyrir hvern þann aðila, sem hefur tekjur af rekstrinum og starfar enn að fullu við hann, séu að jafnaði minni en atvinnuleysisbætur. Því til sönnunar skal leggja fram vottorð skattstofu.

3. gr.

Bótaréttur manns sem hefur afhent nákomnum rekstur.

Samkvæmt 3. mgr. 6. gr. reglugerðar um skilyrði þess að sjálfstætt starfandi einstaklingur fái atvinnuleysisbætur telst sá, sem hefur afhent maka, hvort sem um hjúskap eða óvígða sambúð er að ræða, rekstur, ekki hættur rekstri í skilningi 1. og 2. mgr. 6. gr. reglugerðarinnar. Maður sem hefur afhent öðrum nákomnum en maka rekstur getur átt bótarétt ef sýnt þykir að reksturinn, þegar afhendingin átti sér stað, framfleytti aðeins þeim sem tóku við rekstrinum og skal miðað við að dregið hafi úr veltu á hvoru undangenginna tveggja reikningsára er nemi samtals að lágmarki 40% yfir tímabilið. Skal stjórn Atvinnuleysistryggingasjóðs meta hvort þessi skilyrði séu uppfyllt. Í því sambandi hefur hún ákveðið að leggja skuli fram vottorð skattstofu um heildarveltu næstliðinna þriggja reikningsára.

4. gr.

Heimild til að hefja rekstur að nýju innan tólf mánaða án þess að sæta viðurlögum skv. 8. gr. reglugerðar um skilyrði þess að sjálfstætt starfandi einstaklingar fái atvinnuleysisbætur.

Samkvæmt 7. gr. reglugerðar um skilyrði þess að sjálfstætt starfandi einstaklingar fái atvinnuleysisbætur getur maður sótt um það til stjórnar Atvinnuleysistryggingasjóðs að hefja sjálfstæða starfsemi að nýju áður en 12 mánuðir eru liðnir án þess að sæta viðurlögum skv. 8. gr., enda hafi skapast forsendur fyrir því að hefja rekstur á nýjan leik í a.m.k. 60 virka daga. Skal stjórn Atvinnuleysistryggingasjóðs meta hvenær þessar forsendur eru fyrir hendi. Í því sambandi hefur hún ákveðið að viðkomandi skuli undirrita yfirlýsingu þess efnis að hann telji að rekstrargrundvöllur sé fyrir atvinnustarfsemi sinni og að hann skuli leggja fram verkefnaáætlun sem nái yfir a.m.k. þrjá mánuði.

5. gr.

Viðurlög.

Sá sem gefur vísvitandi rangar eða villandi upplýsingar um hagi sína, eða leynir atriðum er máli skipta varðandi réttarstöðu hans gagnvart sjóðnum, skal sæta viðurlögum skv. 8. gr. reglugerðar um skilyrði þess að sjálfstætt starfandi einstaklingar fái atvinnuleysisbætur, sbr. og 41. gr. laga um atvinnuleysisstryggingar nr. 93/1993.

6. gr.

Gildistaka.

Reglur þessar, sem samþykktar hafa verið af stjórn Atvinnuleysisstryggingasjóðs með heimild í 9. gr. reglugerðar um skilyrði þess að sjálfstætt starfandi einstaklingar fái atvinnuleysisbætur, öðlast þegar gildi.

Viðmiðunarreglur þessar, sem stjórn Atvinnuleysisstryggingasjóðs samþykkti á fundi sínum 3. október 1994, staðfestist hér með, sbr. 9. gr. reglugerðar um skilyrði þess að sjálfstætt starfandi einstaklingar fái atvinnuleysisbætur nr. 304/1994, til þess að öðlast gildi þegar í stað.

Félagsmálaráðuneytið, 18. nóvember 1994.

Rannveig Guðmundsdóttir.

Anna G. Björnsdóttir.